

上清道類事四卷之四

姑十一

上清道類事相卷之四

姑士

大唐陸海羽客王懸河修

瓊室品

清虛真人王君內傳云君諱褒字子登處靜  
密之室隱形清齋也內音玉字下云內音封  
於南河洞室石櫃之中也又有諸經櫃作碩  
也故五符云九天靈書猶封于石碩是也又  
云九天靈書三天眞寶夏禹撰爲靈寶文一  
通藏石櫃中一通藏幽洞室中玄母八門經  
云散花玉室三素元君在其內也本相經第

一云超登無上道清淨長樂室三元真一經  
一云琳霄之室東海小童受經處在上清境方  
諸東華山上也真誥經云大有官司馬季主  
隱處也又云寢靜之室涓子坐處也又云玉  
華室丹景玉文在中也又云紫堂金室有刻

姑十一

一石真人上清經云峻嶒之室玉晨道君居之  
又云丹幃綵室太元真人居之本相經云七  
寶室靜老天尊說法處也又云玄滋玉室靜  
老天尊在此爲尼乾說法也又云天尊於赤  
明國中朱陽之室說大洞真經也又云天尊

遊法明玉國五色玉室師子寶榻鳴玉鳳靴  
高座之上激揚道教度一切也又云今聞我  
師於此七寶紫室闡揚道教也太真科上云  
燕仙室天師教化處也玉晨明鏡有太玄玉  
晨金華雌室三素元君居之靈寶隱語有黃  
房之室衆龍所掘山也玉訣經下云南圃丹  
霍之阿三元洞室封題玉碩之也三元真一  
經云玄精之室身中三一尊君棲息處所也  
大洞玉經曰有上華之室室中青氣自生號  
為反香之煙逆風三千里香氣猶徹紫宮又

云玉晨大道君解襟帶於玉映之室也大洞  
玉訣云三元君入流逸之室也大洞經下云  
玄雲羽室黃老元君經封在其中也本相經  
云天尊於赤明國中朱陽之室說大洞真經  
漢文帝內傳曰方丈之皇為理命之室也十  
洲記云滄源島上有瀆石室多石象八石臚  
石桂英也又有紫石宮室九老仙都治處也  
真誥云衡山張禮正治明期二人學道乘虛  
昇天今在方諸颯室為上仙五老寶經曰聲  
馳於五老之室神舉於三清之上大洞玉經

注曰秀華山太極真人呼曰圓明丹室五靈  
真君所處也大洞玉經注曰青童君登雲波  
之山入東華之室也又云青精君登紫空之  
山化玉室之內也十洲記云崑崙有瓊華室  
西王母所處洞真經云玉室者三九素語玄  
丹上化三真洞元之道藏於內又云高上藏  
三元玉檢三元布經於其內曲室者太微天  
帝君祕九丹上仙文之所元始五老又祕五  
篇真文於其內四極明科云龜山西室王屋  
南洞天經備足也五千文十緯經第五云玄

蓋之玄上室真人在其中上清智慧經云協  
晨靈觀層陵之室太上大道君閑居之處上  
清三天正法云烏日之室元始三天正法除  
六天之文封其內也三元真一經云琳霄之  
室者三真元一之法藏在其內也又云黃闕

姑十一

三

紫戶玄精之室身中三一尊君常棲息處所  
也玉帝七聖玄記云崑崙之室北洞之源規  
天九霄白簡青錄在其內也三道順行經云  
南洞之室玉君封三道經在其中金簡玉字  
經云方諸室高上太素君住處也大洞玉經

云又有東華之室青童君乘玉彫之駟御圓  
殊之氣而入此室也又云太老之室在上清  
之天八皇老君乘廣琅之車而入之也又云  
流剛山上有暉景之室西王母之所治龜山  
元籙云玉華之室丹景玉文在其內神呪第  
五經云中有九合之室太上在其內端坐思  
惟何國苦樂劫數近遠衆生悠悠何所趣向  
也登真隱訣云東海勞盛山北陰之室有霍  
林仙人韓衆撰服御之方也具誥第七云仙  
人郭四朝訶曰高皇齊龍輪逶迤北華室四



朝爲玉臺執蓋郎故云高皇齊龍輪又云方  
隅山下有洞室名曰方源館幽人居之大洞  
經中卷玉清玉呪曰遂隱上清室羽明帝一  
房也又云解帶玉映室乘素入四明又云受  
福東霞室及胎朱火度又云長寢羽臺上固  
神五老室又云渾人帝一室五老變孩家又  
云上朝帝一室解帶皇一階又云反胎朱火  
室更受洞中生大洞真經云陽山宮洞有元  
虛三瑤之室栢成芝高隱處也又二世世解  
結上生帝房人保翹之室又云五岳之氣無

於陰極之室飛龍嘿心訣云北極真公治於北  
極廣靈之室又云飛行羽經封之峨嵋山金  
臺室大洞雌一篇目云三元君在元虛之室  
上清變化七十四方經云南極真人藏上清  
經於瑤臺丹靈雲宮九折洞室室有通明自  
然之光飛行羽經上云太上飛行空常變化  
隱文祕於九洞之室也飛行羽經昇玄上記  
云峨嵋山金臺之室飛玄羽經祕其內洞神  
經第十二云控景王太霞室齊輪九天庭五勝  
符云東勝之符祕在玄瑤青林之樓崇丘蘭

瓊之室本相經第八云東方浮黎國有九合  
之室天尊登此燼身形之所本相經第十八  
云玄臺六合室自然登舉行又云變化化紫氣  
室目覩不得入又云神弘恒熙悅七寶紫金  
室第二十經云南海外阿陀加國王有女名  
好求仙去王即於其處起集靈臺造神仙宮  
三師堂說文室以爲廣度一千元在其中第  
一經云仙人范則子於西那王國浮羅嶽中  
肅臺室說太清中品六百卷也三皇朝儀云  
列列廣寒庭遠遠讌山室海空經第一云青

觀三相明了四意者則爲入智慧室也高上  
虛皇君道經第一云羽明帝一房遂隱上清  
室內音王字下云宗飄大有黃房之室一各  
玉容之堂真晨道君治其十大洞玉經三十  
九章云道君解襟帶於玉狀之室乘八素八

姑十一

於四明之門四明之門者上清玉帝之南門  
也又云化玉室青精君所遊處也又云太虛  
之天虛之中有彭墟之室結白氣以造構  
今九雲而立宇紫煙重排神華所聚故號曰  
彭墟之室太虛元君之所處也又云青童君

登雲波之山東華之室也八素陽訶九章云  
靜翳九靈室動周二度變三皇經云既入室  
洞室何憂道不成起尸度亡人經云遼遼玄  
中堂窈窕無上室三元品戒云罪福簡錄封  
於九源洞室又云功過簿錄封於九河洞室  
又云罪福報應封於湯泉洞室本際經第四  
云引進我等令入法牆處無為室也諸經中  
室名大有此不具錄之也

宅宇靈廟品

本相經第一云仙廟者神仙所居之堂也第

二十一經云東華國王造神仙七政之廟女  
人居之修道也上法二十八宿也其宮室二  
十八門也大劫經云北方玄錄真人行過玄  
谷上宅也又云魔羅大千宅衆真三界徧又  
云上相高皇宅下有沐浴池也太真科下治  
舍鐘鼓品云凡受錄治皆有經典所在號曰  
道門立正法化民行教號曰道門治舍之左  
前經臺之上皆懸金鐘玉<sub>珪</sub>屠真誥甄命第四  
玄龍紫微夫人歌云拂袂雲林宇結鬢還童  
嬰蕭蕭寄無宅是非豈能<sub>法</sub>宮莊子雜篇云宇

泰定者發乎天光內篇云體至一之宅會乎  
必然之府真誥第四右英夫人誥云風纏空  
洞宇靈音觸節生手攜織女舞僅衿鮑瓜庭  
西城真人王總真誥云形非莊神常宅神非形  
常載徘徊生死輪但苦心猶豫太元真人詩  
云八風纏絲宇藂煙豁然散真誥第二云夕  
宴鬱絕宇朝採圓景華真誥第七仙人郭四  
朝謁云遂造太微宇挹此金梨漿逍遙玄陔  
表不存亦不亡靈書經云絳宅曜朱童萬劫  
而不凋真誥第八云凡人臥宇室當令潔淨

潔淨則受靈氣不淨則受故氣故氣之亂人  
室宇者所爲不成所作不立一身亦爾當數  
洗沐浴潔不爾無異也真誥第九云仙人可  
瑋寧詩曰形況北塞宇三神棲九天又云所  
謂室者一曰茆屋二曰萬溜屋三曰環堵也  
真誥第十中候夫人告云令種竹於北宇也  
太洞經中卷云幽寥生帝宇攜此景中人大  
洞真經云八風超絕宇幽藹綠軒間也又云  
解襟玉皇宇與感會明真金書仙志云願陵  
翮以飛仙朱靈安絳宅也紫度炎光經云紫



炷纏曲宇丹暉繞綵軒又云天爲我屋地爲  
我牀五嶽山川爲我橋梁玄斗元精爲我衣  
囊內真金章經云兆常能誦幽素訣詞於寢  
靜之宇以攝不祥源澤之神上清變化七十  
四方經云浩浩玄虛金室瓊廬三元啓運六  
氣散敷飛行羽經上序云九晨不降於靈宇  
夫人歡悅於寢席神州七轉七變舞天經云  
遺界翳虛輪絕宅自冥通又云妙吹九晨颯  
超登仙公廬裴君內傳云上皇大帝君乃登  
廣寒上清靈宅議學道之勤懈元陽童子淨

土經云脩多童城純以水精爲壁純金爲梁  
柱蓮華覆樓層珊瑚爲椽白銀爲楹黃金爲  
檀檻也隱元內文云青童君延萬帝於曲宇  
講寶訣於妙章上清投詞文云八風起絕宇  
幽藹綠軒間本行經云有丹陵之舍神人授  
維音八字真文之所空洞靈章云玉阜秀琳  
宮生死福德廬本相經第十九云南土國王  
造神仙靈廟周迴房舍莫不成就也第二十  
經云南海之外阿陀加國王有女名好求年  
十五學道於習仙招魂神臺得仙昇于玉清

之宮王即於其得仙舊處造神仙宮集靈臺  
三師堂說文室即下詔天下有能出家者於  
是國內得一千人來入此廟也第一經云仙  
廟者神所居非人室也第十二經云拘尾之  
界野馬之池有聖賢之堂銅壁鐵柱銀剋簿  
上學士修行之處內言玉宇下云惡緣並盡  
逍遙懽樂之舍與飛天而合真也五符云皇  
人在峨嵋山北絕巖之下以蒼玉爲屋也五  
號先儀云三師遨遊七寶之壁也衆真戒第  
三云高振玉宇攜轡秀真可謂邈乎其竒落

絕之視也又云大方諸山對會稽之東上有  
天仙宮室以金玉瓊瑤雜爲棟宇也八威召  
龍經云福首三台宅號泣真慈忘八節謝罪  
經云八節之日上皇大帝君登於上清靈宅  
議萬民之罪福也二十四生圖云身度水火  
宮名入九天廬大洞玉經三十九章注云玉  
皇之廬者清虛真人之逸宅也又云太霞之  
中合九雲而立宇太靈元君之所處導引三  
元經云身入虛跡宅縱體歸是宗也五稱符  
上經云求神仙長生不老於精舍經圖靜廟

中佩靈寶文也八素陽譎九章云朝入希林  
宇夕宴丹微房也又云穴絕廣寒宅至靈道  
妙同又云齊首峻增宅莫檢形與名又云朱  
宇鳳構明光映軒奔日月二景隱文云太玄  
宮高上臺蓬萊府皆金柱玉壁也本相經第  
十一云扶桑之地有元始法堂以白銀爲壁  
真珠爲基黃金爲梁以銅爲柱五玉爲椽琉  
璃覆之水精爲階珊瑚薄之也又云法堂東  
北復有太和舍宅子孫在其中傳世不絕也

第二十一卷云習仙神宮上下九級一百二

十丈基面九尺方圓一百二十步又有神仙  
之廟七政者上法二十八宿也變化七十四  
方經云飛霄鬱玄梁神變無跡庭三皇經云  
長棲太一字歸命禮三尊亦相經第三云見  
一天堂琉璃爲壁黃金爲梁青玉爲柱琉璃

覆之又云見一天堂琉璃爲壁紫玉爲梁赤  
玉爲柱黃金覆之飛鏤周匝也本相經第九  
云西方有大堂國中有長樂之舍上高三百  
丈天景大混之文題館四面道學傳第二云  
洞室中有金城玉屋真文所在也又云四方

有玉柱題曰九泉洞庭之墟道學傳云吳猛  
字世雲登山詩云仰瞻列仙館俯察玉神宅  
道學傳云萬流屋者乃項託之所居清虛真  
人王君內傳云王君不能棄有竦玄超登九  
天造太空之丘謁玉皇之廬也內真金章云  
兆常能誦曲素訣詞於寢靜之宇者則五老  
之賓也本相經第四云長樂舍方圓一丈表  
裏悉有天景大混文字也靈書經云此舍在  
大福堂國天尊於此說靈寶真文出法度人  
也本行經云度明於陽丘之嶽丹陵上舍栢

林之中朱鳳侍衛神龍翼軒也五符經云苞  
山洞室有金城王屋雲厦陵天也

上清道類事相卷之四





